



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCXLIX. ad annum DCLXXVI.

Parisiis, 1644

V. Ne sacerdotes, siue quicumque ex clero, sine testimonio cum
quibuslibet feminis habitent.

urn:nbn:de:hbz:466:1-15300

IV.

ANNO
CHRISTE
675.23. dist. Cum
eccl. instit.De oratio a
nobis supra
dictum est
Concil.
Tol. IV.
cap. 28.

Cum antiqua ecclesiastica nouerimus institutione præfixum, vt omnis sacerdos, cum ordinatur, orario utroque humero ambiatur; scilicet vt qui imperturbatus præcipitur consistere inter prospera & aduersa, virtutum semper ornamento * utrobique circumseptus * appareat: qua ratione tempore sacrificii non assumat, quod se in sacramento accepisse non * dubitatur? Proinde modis omnibus conuenit, vt quod quisque percepit in * consecratione, hoc & retinet in oblatione, vel perceptione suæ salutis; scilicet, vt cum sacerdos ad solennia Missarum accedit, aut * pro se Deo sacrificium oblaturus, aut sacramentum corporis & sanguinis Domini nostri Iesu Christi sumpturus, non aliter accedat, quam orario utroque humero circumseptus, sicut & tempore ordinationis suæ dignoscitur consecratus: ita vt de vno eodemque orario ceruicem pariter & vtrumque humerum premens, signum in suo pectore * præferat crucis. Si quis autem aliter egerit, excommunicationi debitæ subiacebit.

* utroque, al.
vtrunque
* appareat humero:
qua
* dubitatur
* consecratione
honoris
hoc retineat, &
in obl.

* per

* præparet

V.

Quamquam antiqua Canonum institutio de huiusmodi præsumptione absolutas & multiplices disciplinas atque institutiones ediderit, nos tamen breuitatis causa, omnem fornicandi occasionem cupientes auferre, id omnimoda sancimus auctoritate tenendum, vt nullus sacerdotum, siue quisquis ille de clero, absque honesto & competenti testimonio, excepta sola matre, cum quibuscumque

ANNO
CHRISTI
675.

feminis secrete se præsumat adiungere; non solum cum extraneis mulieribus, sed nec cum ipsis^d etiam fororibus, vel propinquis; ne licentia sororum, vel propin quarum mulierum, * quisquis ille solutus, familiarior habeatur ad perpetrandum scelus. Huius ergo præceptionis transgressor, sex mensibus se no-uerit poenitentiae legibus subiacere.

VI.

Bona quidem res est, diuina sacerdotibus con-tractare mysteria: sed cauendum valde est, ne hoc quisque ad vsum prauitatis suæ intorqueat, vnde soli Deo de bono conscientiae placere debuerat: scriptum est enim: *Væ his qui faciunt opus Domini fraudulenter & desidiose.* Vt enim quorumdam episcoporum detestanda præsumptio nostro se coetui intulit dirimenda, agnouimus quosdam de episcopis, quod in solennitatibus martyrum ad ecclesiam progressuri, reliquias collo suo imponant, & vt maioris fastus apud homines gloria intumescat, (quasi ipsi sint reliquiarum arca) Leuitæ albis induti in sellulis eos deportant. Quæ detestanda præsumptio abrogari per omnia debet, ne sub sanctitatis specie simulata vanitas sola præualeat, si modum suum vniuscuiusque ordinis reuerentia non agnoscat. Et ideo antiqua in hac parte & solennis consuetudo seruabitur, vt in festis quibusque arcam Dei cum reliquiis, non episcopi, sed Leuitæ gestent in humeris, quibus & in veteri lege onus id & imposi-
tum nouimus & præceptum. Quod si etiam episcopus reliquias per se deportare elegerit, non ipse a diaconibus in sellulis vectabitur, sed potius pedise-

Jer. 28.

1. Par. 15.